

Landesbibliothek Oldenburg

Digitalisierung von Drucken

Friderici Iacobi Beyschlagii, Gymnasii, quod Halæ Suevorum est, Adiuncti, & ad ædem S. Mich. Archangeli Catechetæ extraordinarii, Sylloge Variorum Opusculorum

(Programmatvm, Orationvm, Epistolarvm, Poematvm, Dissertationvm, Aliarvmqve Observationvm ...)

Beyschlag, Friedrich Jakob

Halae Suevorum, M.DCC.XXXI

III. Dan. Gvil. Molleri, Centvm Disticha, Quorum initium & finis : Disce Mori.

urn:nbn:de:gbv:45:1-16153

prius usi sunt, adhuc hodie utuntur, præsertim peculiari Parlamenti decreto eum confirmante.

XXXII.

Sed manum de tabula: plura enim, argumentum præsens illustrantia ut adhuc afferantur, tempus in plura alia nunc partitum, permittere haud videtur. Interea ut Lector benevolus præsentem hanc qualemcunque opellam æqui bonique consulat, sincerum meum est votum.



III.

DAN. GVIL. MOLLERI,
CENTVM DISTICHA,

Quorum initium & finis: DISCE MORI.

Prefatio Editoris.

I Vngimus Dissertationi præcedenti Mollerianæ eiusdem Viri Cel. *Centum Disticha*, quibus *to Disce mori* pia, erudita grataque variatione expressit, & quæ merito integra in *Memoria Molleriana a Patronis, Collegis, Amicis, Vxore variis scriptis variis in locis celebrata,*

lebrata, posterisque commendata, Altorfi 1713. fol. edita, (e quo scripto suam potissimum de illo se hausisse notitiam, Apinus loco mox citando fatetur,) pag. 36. usque ad 42. exhibentur. Centum hæc disticha illinc huc transferri, operæ pretium duximus, præmissis hisce verbis, quæ ibidem p. 31. lego: *Über dieses sind hundert disticha unter seinen letzten Scripturen, deren ein jedwedes sich anfänget: Disce mori, vermittelst deren er sich selbst auff seinen nunmehr erfolgten Abschied præpariret, vvorauß unter andern zu sehen, vvelch ein eiveriger Beter er gewesen.* Quibus verbis gemina scripsit celeberrimus Apinus in vita Molleri, quæ in eius Vitis Professorum Philos. Altorf. pag. 238. seqq. extat, ubi pag. 238. *Mollerum insigni animi sanctitate hanc mortalitatem finiisse, testatus, pag. 247. hoc viro huic beato elogium dat: Nihil prius nihilque antiquius habuit vera minimeque fucata pietate: cuius studio excitatus, in DEI cognitione atque cultu omnem solida sapientie rationem collocavit, & in rerum cælestium divinarumque litterarum contemplatione omni tempore diligentissime sanctissimeque versatus est.* Ib. pag. 250. refert, laudata Disticha etiam 1711. 8. pl. 2. seorsum prodiisse.

I. Disce

1.

Disce mori; *moriens gaudebis te didicisse*
Rite mori, vivens hinc bene disce mori.

2.

Disce mori, *mundiq; immundi ludicra sperne,*
Et vitae finem respice, disce mori.

3.

Disce mori, *doctore DEO, ductriceque Sacra*
Scriptura, meditans coelica, disce mori.

4.

Disce mori, *satis est, quid enim iuvat omnia*
scire
Mox perituri Orbis lemmata? disce mori!

5.

Disce mori, *& reliquas artes facilis quoq; disces:*
Optima namque ars est unaque, disce mori.

6.

Disce mori, *moriturum te didicisse iuvabit*
Talia, vita hominum est vitrea, disce mori!

7.

Disce mori, *namq; instabili tua volvitur aetas*
Termino, & hic mala fert vel bona, disce

8.

Disce mori, *moriere pie, si sis modo doctus*
Ante mori in Christi vulnere, disce mori.

9.

Disce mori, *quicumque cupis prensare caducam*
Post vitam Coeli gaudia, disce mori.

10.

Disce mori, *fluitat citius tua flumine vita,*
Atque ruit cursu praepete, disce mori.

11.

Disce mori, *mortem celerem persaepe minan-*
tur

Et tonitru & coeli fulmina, disce mori.

12.

Disce mori, *nam cur vis discere quae nocitura*
Sunt Animae vitam hanc post mala, disce

mori.

13.

Disce mori, *quoties dulcis tua lumina somnus*
Occludit, vel aves surgere, disce mori.

14.

Disce mori, *& trutina quid feceris, atque*
futurum

Quid fata olim sit post tua, disce mori.

15.

Disce mori, *in Patriam cupiens migrare su-*
premam

Corporis ex tristi carcere, disce mori.

16.

Disce mori, *dextrum amplectens, fugiensque*
sinistrum

Sulphuris & metuens tartara, disce mori.

17.

Disce mori, *confide DEO, sectare bonorum*
Agmina, pravorum defuge, disce mori.

18.

Disce mori, *volat ut pernix tua vita sagitta;*
Non cras, ast hodie fac bona, disce mori.

19.

Disce mori, *pensans durantia gaudia coeli,*
Nam pereunt mundi ludicra, disce mori.

20. Disce

20.

Disce mori, *est incerta dies, incertior hora
Mortis, disce igitur vivere, disce mori.*

21.

Disce mori *sapiens, mortemque pavescere noli,
Mors quippe est vitae ianua, disce mori.*

22.

Disce mori, *doctus moriendi ita in arte Magister
Coelica captabis praemia, disce mori.*

23.

Disce mori, *vivesque pie & moriere beate,
Nec Stygis horresces flumina, disce mori.*

24.

Disce mori, *si vis non exhorrescere mortem
Iudicii que DEI fulmina, disce mori.*

25.

Disce mori, *doctrina isthaec tibi proderit olim,
Plura feretque tibi commoda, disce mori.*

26.

Disce mori, *nec poeniteat te nosse futurae
Quae profint mortis tempore, disce mori.*

27.

Disce mori, *Examen tibi erit rigidum sube-
undum,
Respondere queas ut bene, disce mori.*

28.

Disce mori; *mage gaudebis, minus atq; dolebis,
Extremo in vitae tramite, disce mori.*

29.

Disce mori; *venient instante crepuscula morte
Morborum tandem tetrica; disce mori.*

30.

Disce mori, *vitae duces sine crimine filum,*
Mens erit & recti conscia, disce mori.

31.

Disce mori; *ruit hora cito, peccata remordent,*
Advolat & tacito mors pede, disce mori.

32.

Disce mori, *validi dum sunt tibi corporis ar-*
Aetas atque sinit florida, disce mori. (tus,

33.

Disce mori, *nec enim poteris sic vivere, nun-*
quam
Vt moriare, canon sit tibi; disce mori.

34.

Disce mori, *disces minitantia spicula mortis*
Quaslibet & furias spernere, disce mori.

35.

Disce mori, *placide vives, placide morieris,*
Atque poli fies incola, disce mori.

36.

Disce mori, *vinces insultus mortis, ovansque*
Accipies victor praemia, disce mori.

37.

Disce mori, *pulchra est exulta scientia mortis*
In iuvene, & pulchra est in Sene, disce mori.

38.

Disce mori, *ut possis post mortem vivere rur-*
Mors vitae aeternae est prodroma, disce

39.

Disce mori, *tua namq; cito pede labitur aetas,*
Et currunt anni, ceu rota, disce mori.

40.

40.

Disce mori, *tua res agitur, si coelica in aula*
Expetis aeternum vivere, disce mori.

41.

Disce mori, *temnens ea, quae vesana libido*
Congerit in mundi pegmate, disce mori.

42.

Disce mori, *ac animam saturantia pabula*
quaere,
Possit ut in coelis plaudere, disce mori.

43.

Disce mori *vivens, extrema mortis in hora*
Tardum est velle mori discere, disce mori.

44.

Disce mori, *quovis momento est ultima vitae*
Expectanda tuae clausula, disce mori.

45.

Disce mori, *nec praeceptis parere recusa,*
Quae te sancta docet pagina, disce mori.

46.

Disce mori, *impavidus miscebis proelia miles,*
Morte canente truci classica, disce mori.

47.

Disce mori, *effugies pravae tentamina carnis,*
Vitabis Satanae retia, disce mori.

48.

Disce mori, *nam tempus abit, mors advolat*
ultra.

Quod debes, bene fac, fac cito, disce mori.

49.

Disce mori, *lateri patulo tua crimina conde,*
Respicens Christi vulnera, disce mori.

50.

*Disce mori, solum constanter amabis JESVM,
Atque scies posthac omnia, disce mori.*

51.

*Disce mori, felix cupias si limina mortis
Transgredi, & aeterna attingere, disce
mori.*

52.

*Disce mori, quippe inculpate vita peracta
Est recta ad coelos semita, disce mori.*

53.

*Disce mori, a puncto dependens ultima Vitae
Linea vel bona fert vel mala, disce mori.*

54.

*Disce mori, sapiens vitabis viscida carnis,
Et mundi, & satanae retia, disce mori.*

55.

*Disce mori, perlibrantis nam singula recte
Implet Philosophi munia, disce mori.*

56.

*Disce mori, si non vis exhorrescere mortem,
Judicii que DEI fulmina, disce mori.*

57.

*Disce mori, nam mors consuevit parcere nulli,
Cunctis calcanda est haec via, disce mori.*

58.

*Disce mori; natis quia cunctis est moriendum,
Hincque mori ut possis perbene, disce mori.*

59.

*Disce mori, mentem mortali e corpore quovis
Tempore prudenter surripi, disce mori.*

60.

60.

4, Disce mori, *non te praeceptor deseret unquam,*
Vel Caro, vel Morbus, vel Mala; disce mori.

61.

Disce mori, *post tripudians ex corporis arcto*
Egreditur tua mens carcere, disce mori.

62.

Disce mori, *mortem Christi meritumque re-*
volvens
Devoto semper pectore, disce mori.

63.

Disce mori, *mundi superatis hostibus, Aulae*
Coelestis fies incola, disce mori.

64.

Disce mori, *nam mors quacunque advenerit*
hora
Esse tibi debet cognita, disce mori.

65.

Disce mori; *morulas nectunt fata ultima nul-*
las,
Odit amans morulas coelica, disce mori.

66.

Disce mori, *dicto citius quippe Atropos occat,*
Nec vota exaudit crastina, disce mori.

67.

Disce mori, *mortis Schola te instruet omnibus*
illis
Queis opus extremo in limine, disce mori.

68.

Disce mori, *cupiens rutilantia scandere coeli,*
Terris rellictis, sidera, disce mori.

69.

69.

*Disce mori, finem mortis doctrina coronat
Humanæ vitæ vivida, disce mori.*

70.

*Disce mori, nae discipulos mortis decet omnes
Esse homines omni tempore, disce mori,*

71.

*Disce mori, nulla utilior, mihi crede, per om-
nem
Est hominum vitam Regula, disce mori.*

72.

*Disce mori, vitæ & doctrinae turpia nunquam
Te condemnabunt crimina; disce mori.*

73.

*Disce mori; coelum versus tua mens volitabit,
Corporis emissa ex carcere, disce mori.*

74.

*Disce mori; sursum Cor dirige, caetera sperne,
Quæ terrestria sunt omnia; disce mori.*

75.

*Disce mori; doctrina tibi nam porrigit isthaec
Coelestis vitæ lampada; disce mori.*

76.

*Disce mori; disces sic toto tempore vitæ
Ad mandata DEI vivere; disce mori.*

77.

*Disce mori; sic namque incognitus haud mo-
rieris
Ipse tibi, notus sic tibi, disce mori.*

78.

*Disce mori; nil vita aliud mortis nisi certo
Venturae prudens est schola; disce mori.*

79.

79.

Disce mori; *cunctis aliis Academia Mortis
Anteferenda Scholis unica*, disce mori.

80.

Disce mori; *cum sit nunc sexagesima messis
In patulo orbe tibi condita*; disce mori.

81.

Disce mori; *disces praeferre aeterna caducis
Arte polumque petes hac d. ce*, disce mori.

82.

Disce mori; *integer ut, si quando citabere,
Christo
Comparere queas Iudice*, disce mori.

83.

Disce mori; *patiens, patientia robora gignit,
In Christoque docet vincere*, disce mori.

84.

Disce mori, *in pietate & spe repetita placebit
Saepius haec Mortis lectio*; disce mori.

85.

Disce mori; *exemplo ut proprio plures in ea-
dem
Arte docere queas optima*, disce mori.

86.

Disce mori, *repetens studiose tum bona vitae
Tum mala transactae singula*; disce mori.

87.

Disce mori; *tua sic placide cuncta ossa qui-
escent
In sicco tumuli pulvere*; disce mori.

88.

88.

Disce mori; *quoties meditandae occasio mortis*
Se obtulerit, posthaec calva ea, disce mori.

89.

Disce mori *vivens mortalis, discere membra*
Cum nequeant terris abdita, disce mori.

90.

Disce mori; *creperi ac orbis crepitacula cuncta*
Sollicito passu aefuge, disce mori.

91.

Disce mori; *Musarum est potio grata Poetis,*
Gratior at mortis potio, disce mori.

92.

Disce mori, *vitae & mortis cumulabere certe*
Laetitia semper duplici, disce mori.

93.

Disce mori; *nullum mentis vel corporis unquam*
Percipies morsum aut vulnera; disce mori.

94.

Disce mori; *poterisque animam ex hoc corpore*
euntem
Rite Creatori reddere; disce mori.

95.

Disce mori; *fuerint seu tempora forte serena,*
Seu fuerint eadem nubila, disce mori.

96.

Disce mori; *hanc artem moriendi te didicisse*
Ne incassum aut frustra credito, disce mori.

97.

Disce mori; *dum vita sinit, permittit & aetas,*
Morte instante nequis discere, disce mori.

98.

98.


Disce mori; *calido exoritur sub pectore Virtus*
Ad metam properans mascula; disce mori.

99.

Disce mori, *doctrinae huius sub tegmine tutus,*
Omnia dispelles hostica, disce mori.

100.

Disce mori, *caput attollens ad fulgida coeli,*
Terram despicias, sidera; disce mori.



IV.

ΑΓΑΘΗ ΤΤΧΗ

DE PROBITATE
SOCRATIS SIVE MO-
DICA SIVE NULLA EXER-
CITAMENTVM,

Ad Num. XVII. Vitembergica super
Philosophia Lingua habitæ A. C. CIΩICCCX.
M. Novemb. Disputationis suæ
scripsit

M. IO. BALTASAR BERNHOL-
DVS, FRANCVS.

Anno MDCCXII.